


www.BibleForChildren.org



Jon 14



Izek Yesu demezyak waginnek ne, “Ma anyikku zinzetti cuggok kuucet, abarik aartik zinzetti Tamutadden, kar bodok aartik zinzetti annita. Anyak orge ci Baba ceezi cik meelek, woye da ming kizzec ceezi neke to, kuduwakkung woye da. Kokko anna kadimanekkung nginti aavtiyyu.”



“Ming kuwa kidimanneung looc, koboda atin abunna
ming kokko kokkoyyung buk, kar niga buk abait ngati
kabahe anna.”



Keeni anna Jon, gotonnu cunnong tuwenta, kozol
ki iget pirnanet, ki baalinet ci Tamutaddeno, ki
nimenet nongitton zoze ci Yesu. Kaave


baliye anna looce ci aburuk maama
een Patmos, kabai ki ci



kecebjje lagama, eci
kuwahek ol zoz ci
Tamutaddeno,
kibbaci bodok anna
zoz ci Yesu.




Ataman niko_ikiya Vongizi ci Tamutaddeno kar kuwuya
onozowe, bak kacinni ngume cinanni tamu-kenga lecer
ci alaano kar Eeti kavvu lecere neci.



Kiziya zin kaal wak aruge eeggin
wec dook tamukenga, loota ki looc
todowai ecito nyatapare ci
addikire, ki kaal cik aruge loota
dook ming ebene: . . .




. . . “Kanyikka inatinet ki ngolinēt, ki d̄ingd̄ingon
eēt ci aave lecera ko ki Nyoon kinnatit
nonno kar kotongoolte nonno
kar id̄ingd̄ingannit nonno wa anyak
komiz ci abale enne ol udut!”



Kedenya orog ci Alile, een Jerusalem ci een jor, iyowa tamu-kenga ngati Tamutaddeno, kar zin kidiman ele ogon ki nyatirani ci aime kizizi kicin mac cinne. Kar anna kizik muluk ci abule akku lecera, azi ne, “Iyoko aave nginti abahe Tamutaddeno olle, kar atin enne kabak ki nogo.

Ovvo atin nege eeggin ol ciginnek, okko atin Tamutaddeno eliya abak ki nogo kar enne kize Tamutaddeno cinneng.”



Iyeleya zin anjilo liil wa arik maama cik rugeto cik
caalek paz, ariya lecere ci Tamutaddeno ki ci Nyoono,
okko orgene ci gool ci orgu addikire.



Iróng orogi orong ij icima nyelok kar kataran looc, marrit dingdingoni ci Tamutaddeno ataran looc, okko Nyoon een urez cinne.




Illoi atin gii imma ci
anyak munyen kar kitto
ngin neci, icima iizo
eeti imma ci ogon kaal
cik gerzek, abarik iizo
ol cik eherye zara
ciggek buwe ci Nyoono
rugeto do niko cik
aavtte orge neci.




“Avila atin enne tilalo eberene ciggek. Izzi atin bodok
daizi to icima mozinet icima uluwa icima uuçez, eci
kaala balik reentik ke izzeç to ne dakdak.”




ḲzzḲ atin tḲrḲnet imma to ḲrḲe neci udut. Aave leceri ci
TḲmḲtḲddenḲ ki ci Nyoono ḲrḲe neci, kar dḲccaḲa
ciginnek kalac nonno. Acin atin nege ngḲm cinne ele,
kar zin atin zara ciginnek keteherte ngḲmtḲinne cḲgḲek.



Kar zin anna kicin ol wak adaito, cik addikire ki cik kidik buk, abile nege oowe ci leceru, ooye zin buwani. Oowe zin bui imma, een neci buk ci rugeto. Ettedozik lokiko ol wak adaito gole bali ogone nege kaal ki ming eherye buwanine. Ming iróng zara cik eet imma eherye buwe ci rugeto, ujkozik enne kuk gwooye ci apadpadi oroot ke.



Ize Vongizi ci Tamutaddeno ki nyatiran ci Nyoono ne,
“Ijja!” Anyik eet ci aziye kize ne “Ijja.” Ming anyak eet ci
aruk koor, anyik nonno kikiya; kar ming orong eeti
imma maam, anyik nonno kidima mucu ci maam cik
rugeto olin.



Eci Tamutadden irez ol dook oroot,
kar zin kaanyik Ngerinne wa ode tok
niko keela nogo, ming anyak ol cik
atu nonno, amuda atin nege
ruget wa aave udut.



Roma 3:23 Eci ol d_ook anyak ba_cinnok cik munyenu, irong zin naga ngen kazuca dingdingon ci Tamutaddeno.

Roma 6:23 Aanyyet munyena daiz, okko zoz ci Tamutaddeno aanyyet baiz ci aave udut ngati Manyitinna Yesu Kiristo.

Iburi 9:27 Izikto da jurum, ogon zin zoz necu ki ming adai eeti ci diiri arrak, kar vurra Tamutadden keted lokiko kaale wak gerzek utugu enne.

Evesos 2:8,9 Kar zin zoze necu, urubtau niga ruget bunnate ci Tamutaddeno tuwenta, nonno ci atirizung oroot kommog baiz cunnong. Een necu mucu ci Tamutaddeno ci aanyik eet ci diiri, irong aanyik goole ci ogone eeti kaal. Irong een goole ci alinglinge eeti ci diiri, illoji gii imma ci woye odonge eeti ele zoze necu.



Roma 10:9,10 Ming ɗuwa eeti utuge cinne zoz ci azi ne,
“Een Yesu Manyi cinne,” kar bodok eeti kelema zinine
cinne zoze ci ingane Tamutadden Yesu daiza, amuda atin
enne tirizenet. Eci ming atuwe inna zinine cunne, elemnyi
atin Tamutadden ize eet ci abunna, kar bodok ming ɗuwa
utuge cunne een Yesu Manyi cunne, aruba atin inna
tirizenet.

Jon 3:16,17 “Eci Tamutadden irez ol dook oroot, kar zin
kaanyik Ngerinne wa ode tok niko keela nogo, ming anyak
ol cik atu nonno, amuda atin nege ruget wa aave udut.
Irong Tamutadden ittonak Ngerinne looc, kar kikiya kitted
lokiko ci ollu, ittona abarik kar kikiya kuruguz ol.



1 Jon 5:11-13 Een necu zoz ci ibbac Tamutadden ko:
Aanyet enne agit ruget ci aave udut, akku rugeti neci ngati
Ngerinne. Ming atu eeti Ngerinne, anyak enne ruget. Imma
ming irong eeti atu Ngerri Tamutaddeno, irong enne anyak
ruget ci aave udut. Keherakkung anna iget ol wak atuyyu
zar cik Ngerri Tamutaddeno ko, kar abunna ming aggayyu
een rugeti ci aave udut ko cunnong.



Jon 14; 2 Korinto 5; Onozzok 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tennet Bible (tex) © 2018, Wycliffe Bible Translators, Inc. All
rights reserved.

<https://live.bible.is/bible/TEXWYI/GEN/1>

©2025 Bible for Children, Inc.

www.M1914.org

www.bibleforchildren.org

